

peditos paratosque experimur, quod uno eodemque tempore, & Patriæ consulimus, & veritati litamus. Adeo nanque perspicua historiæ monumenta nobis suppetunt, ad rem nostram defendendam, ut quicumque illis opposita scribere ausi fuerint, eadem publicasse erubescant. Attamen, etsi pro domo nostra scribamus, nolumus profecto, ut nobis fides, absque ratione, reddatur; nec intendimus, ut a quovis credantur quæcunque asserimus, nisi ad veritatis criterium probata comperiantur. Qui vero legent, si partium studiis detentos sese fortassisprehendent, illos rogamus, ut antea privatarum affectionum præjudicia deponant, & deinde pro veritate, sincero quidem liberoque iudicio, iudicabunt.

Cæterum adeo proclive est hominum ingenium ad detrahendum, ut cuique nationi, suum stigma, nescimus, an licentius, vel iniustius, impositum, facile sit adinvenire. Si Brutii nostri Romanis infesti dicti sunt, Galli proclamati fuere infestissimi; adeo ut Marcus Cato, oratione apud Salustium, de bello Catilinæ, Gallorum gentem dicere non dubitaverit, *Gentem Romano nomini infestissimam*. Si contra Romanam Rempublicam Brutii aliquando arma tractarunt, in iisdem tractandis adeo Galli pertinaces fuerunt, ut Romæ lex lata dicatur, qua

Sa-